



АКАФИСТ
СВЯТОМУ ПРАВЕДНОМУ ВОИНУ
ФЕОДОРУ
УШАКОВУ



**Акафист
святому праведному
воину
Феодору Ушакову**



**МОСКВА
2022**

УДК 243
ББК 86.372
А38

*Рекомендовано к публикации
Издательским Советом
Русской Православной Церкви
(ИС Р23-239-3426)*

**А38 Акафист святому праведному воину Фео-
дору Ушакову — М.: Благовест, 2022. — 32 с.**

**УДК 243
ББК 86.372**

© Издательство «Благовест» —
текст, оформление, оригинал-
макет, 2022
ISBN 978-5-9968-0767-3



Акафист святому праведному воину Феодору Ушакову

Кондак 1

Избрáнному подви́жнику земли́ на-
шея, дѣлы дѣблестными во сла́ву Бо-
жию достѣйне потрудѣвшемуся, свято́-
му прáведному во́ину Фе́одору похва́ль-
ное прино́сим пѣние. Ты же, уго́днике
Бо́жий, ꙗко имѣяй вѣлие дерзнове́ние
ко Го́споду, от всѣких нас бед свободѣ,
зову́щих:

Ра́дуйся, святы́й прáведный Фе́одоре,
сла́вный в добродетѣлех во́ине Христовъ.

Икос 1

А́нгели и боголюбівии лю́дие днесъ
Христу́ Бо́гу благодарѣние и славосло́-



вие приносят, яви бо ты, праведне вои-
не Феодоре, славнаго покровителя и за-
щитителя Отечеству нашему. Мы же,
видяще ты предстояща Престолу Божию
и милости нам у Господа просяща, со
умилением сердечным воспеваем:

Радуйся, рода благочестиваго рождё-
ние; радуйся, земли Ярославския много-
плодное прозябение.

Радуйся, Ангела Хранителя твоего не-
престанно возвеселявый; радуйся, ро-
дители и наставники твоя кротостию
и усердием удивлявый.

Радуйся, молитвами святаго сродни-
ка твоего в духовней брани побеждатьи
научивыйся; радуйся, в законе Господ-
ни непрестанно поучавыйся.

Радуйся, дух мирен в души твоей стя-
жавый; радуйся, силою Креста Господня
вся враги побеждавый.

Радуйся, любовь Христова в сердце
твоём носивый; радуйся, сладкою тою
любовию душу твою усладивый.



Ра́дуйся, тезоимѣнному тебѣ Стратила́ту в иску́сствѣ воево́дствѣ уподо́бивыйся; ра́дуйся, тезоимѣнному тебѣ Тѣро́ну в ревновáнии о Бóзе подража́вый.

Ра́дуйся, святы́й пра́ведный Феодо́ре, сла́вный в добродетѣлех во́ине Христо́в.

Кондак 2

Ви́дяй Госпо́дь чистоту́ се́рдца твоего́, преизоби́льно дарова́ тебѣ, Феодо́ре пресла́вне, благода́ть Свою́, да то́ю укрепля́емый, жити́е твоѣ поживѣши во благочѣстии, прославля́я Творца́ твоего́ пѣсню: Аллилу́иа.

Икос 2

Ра́зум Божѣственный просвети́ и укрепѣ́и́ тя, пра́ведне и достохва́льне Феодо́ре, егда́ уче́ние кни́жное со усер́дием познава́л еси́ и ве́лие прилежа́ние к се́му́ имѣл еси́. Егда́ же чи́ном во́инским почтѣ́н был еси́, обеща́ние пред Всемо́гущим Бóгом, святы́м Евáнгелием Его́



и Крестом принёсл еси: верно и нелицемерно Отечеству служить. Сего ради приими от нас похвалы сия:

Радуйся, паче всего в мире сем Господа возлюбивый; радуйся, от лет молодых чистоту жития сохранивший.

Радуйся, ко премудрости книжней усердие от юности имевый; радуйся, праздность и суету мира сего презревший.

Радуйся, закон Господень прилежно изучивый; радуйся, целомудрия сокровище драгое сохранивший.

Радуйся, в страхе Божием добре наставление получивый; радуйся, в житии твоём добродетели высокие возрастивый.

Радуйся, душу свою всецело ко Господу устремивый; радуйся, другом твоим пример прилежания бывый.

Радуйся, христианского благочестия неустанный блюстителю; радуйся, милости и помощи нуждающимся подателю.

Радуйся, святой праведный Феодоре, славный в добродетелех воине Христов.



Кондак 3

Силою Бóжиею укрепляемъ, все житіе твоё в праведности проводил еси, славно воине Феодоре, и, не щадя живота своего, землю нашу от супостат защищал еси, Творцу же твоему, в ратных делах вспомоществующу ти, воспевал еси благодарно: Аллилуиа.

Икос 3

Имеяй в сердце своём веру твёрдую во Христа Иисуса и силою тоя вооруживыйся, на морях Балтійском и Азóвском служение твоё ратное проходил еси. Помози и нам в вере крепцей подражати тебе, угодниче Бóжий Феодоре, да не погибнем в пучине беззаконий наших, обаче радостно да зовём ти:

Радуйся, Евангелия Христова добрый послушателю; радуйся, заповедей Иисусовых усердный исполнитель.

Радуйся, Богу житием твоим совершенно угодивый; радуйся, страсти в души твоей победивый.



Рáдуйся, Дúха Свята́го жили́ще, преукраше́нное чистото́ю; рáдуйся, Бо́жия благода́ти приятелище, сияющее доброде́телей красото́ю.

Рáдуйся, Цáрствия Го́рняго ре́вностный искáтелю; рáдуйся, ро́ду христиа́нскому благ Небе́сных ходáтаю.

Рáдуйся, Дúхом Святы́м насыще́нный и просвеще́нный; рáдуйся, собла́зны ми́ра сего́ сýетнаго не прельще́нный.

Рáдуйся, измла́да Го́спода все́ю душе́ю возлюби́вый; рáдуйся, в за́поведех Бо́жих неукло́нно ходи́вый.

Рáдуйся, святы́й пра́ведный Феодо́ре, сла́вный в добродете́лех во́ине Христóв.

Кондак 4

Бу́ри бед и искуше́ний не страши́лся еси́, свя́те Феодо́ре, егда́ прибыв в богоспаса́емый град Херсо́н, слúжбу твою́ соверша́л еси́; Госпо́дь же укрепля́ше тя, да труды́ твоими́ край Херсо́нский просла́виши, воспева́я: Аллилу́иа.



Икос 4

Слы́шаще и ви́дяще вси лю́дие гра́да
Херсо́на, я́ко мо́ровым повѣ́трием град
их одержи́мь бысть, на Еди́наго Го́спода
все упова́ние возложи́ша. Ты же, пра́в-
ведне Феодо́ре, свѣ́ше Го́сподем вразум-
ле́нный, ввѣ́ренныя ти во́ины от тяж-
кия болѣ́зни огради́л еси́. Те́мже и мы
усе́рдно к тебе прибега́юще, смире́нно
мо́лим: упрáви нас предста́тельством
твои́м к ти́хому и ми́рному жити́ю и спо-
до́би наслажда́тися нетле́нныя ра́дости
вопи́ющия ти:

Ра́дуйся, бли́жним твои́м благоде́те-
лю ми́лостивый; ра́дуйся, за дѣ́вное ми-
лосѣ́рдие твоѐ Го́сподем храни́мый.

Ра́дуйся, изнемога́ющих внеза́пное ук-
реплѣ́ние; ра́дуйся, уныва́ющим благо-
да́тное ободрѣ́ние.

Ра́дуйся, бли́жняго своего́ я́ко себѣ
возлюби́вый; ра́дуйся, ме́ньшей бра́тии
твоѐй я́ко Христу́ послужи́вый.

Ра́дуйся, скорбя́щих благі́й утѣ́шите-
лю; ра́дуйся, благ ве́чных нам от Го́спо-
да подáтелю.



Ра́дуйся, ри́зу душе́вную чистото́ю убе-
ли́вый; ра́дуйся, ра́тными по́двиги тво-
и́ми всех удиви́вый.

Ра́дуйся, ми́лостью и сострада́нием
ду́шу твою́ напо́лнивый; ра́дуйся, слу-
жа́щих с тобо́ю на путь благоче́стия на-
пра́вивый.

Ра́дуйся, святы́й пра́ведный Феодо́ре,
сла́вный в добродете́лех во́ине Христо́в.

Кондак 5

Богото́чный исто́чник дарова́ний ду-
хо́вных яви́лся еси́, боголю́биве Феодо́-
ре, и за вели́кия по́двиги тво́я са́ны во́-
инскими почтѣ́н был еси́. Об́аче ве́мы,
я́ко не по́чести челове́ков, но мзды Го́с-
пода твоего́ жа́ждал еси́, благода́рно к
Нему́ взыва́я: Аллилу́иа.

Икос 5

Ви́дев, я́ко в защи́щении люде́й пра-
восла́вных не довлѣ́ет надѣ́яться на си́-
лы челове́ческия, все упова́ние твоѐ воз-



ложил еси на Господа, Феодоре, в молитве помощи у Него и мудрости прося. Сего ради, мысленно созерцая тя горе и ныне за ны молящегося, возсылаем ти пение сие:

Радуйся, в терпении мнозем паче иных преуспевый; радуйся, заповеди Господни в сердце своем верно хранивый.

Радуйся, прилежно во славу Божию подвизавыйся; радуйся, во благо людей православных славно потрудивыйся.

Радуйся, к Богу и ближним великия любви горение; радуйся, Церкви Христова благодатное удобрение.

Радуйся, плоть свою духови всецело покоривый; радуйся, плоды духовныя миру преизобильно явивый.

Радуйся, обетований Иисусовых достойный наследник; радуйся, Ангелом и святым предивный собеседник.

Радуйся, гнев на ближняго твоего до конца в себе умертвивый; радуйся, уста своя от клеветы и неправды оградивый.



Рáдуйся, святы́й прáведный Феóдоре,
сла́вный в добродетéлех во́ине Христóв.

Кондак 6

Проповéдник вéры Христóвы и благо-
чéстия христиáнского не слóвом тóчию,
но и дéлом явѝлся есѝ, богомúдре Феó-
доре, я́ко отéц бла́гий бѝвый ввѣрен-
ным ти лúдем, óбраз им житѝя по зáпо-
ведем Христóвым подавáяй. Молѝся úбо,
да и мы, в житѝйстем мóри сýщии, к тѝ-
хому пристáнищу, Гóсподу нáшему, при-
тецѣм, во умилéнии зовúще: Аллилу́иа.

Икос 6

Возсия в тебѣ обѝльно благодáть Бó-
жия, прáведне Феóдоре, егда́ ввѣрено ти
бысть управлѣние флóтом Черномóр-
ским, да свершѝши пóмощию от Вѝш-
няго éже человéком невозмóжно бе. Та-
ковóму о тебѣ Бóжию промышлѣнию
рáдующеся, зовѣм:



Ра́дуйся, добродѣтелями твоими Небѣсныя д́ары уллуч́ивый; ра́дуйся, воспомина́нием страда́ний Христо́вых скорби твоя́ услад́ивый.

Ра́дуйся, терпе́нием твои́м мно́гим святы́м уго́дником уподо́бивыйся; ра́дуйся, предъ А́нгелы пресвѣтлыми не посрам́ивыйся.

Ра́дуйся, всего́ себѣ в во́лю Бо́жию безро́потно преда́вый; ра́дуйся, болѣзнями твоими́ здрав́ие душі́ тво́ея стяжа́вый.

Ра́дуйся, за дру́ги своя́ ду́шу полага́вый; ра́дуйся, со все́ми в ми́ре пребыва́ти жела́вый.

Ра́дуйся, до́брыми де́лы Бо́га прославля́яй; ра́дуйся, зе́млю на́шу от враго́в охраня́яй.

Ра́дуйся, д́ивный о́браз любве́ Отца́ Небѣснаго в себѣ яви́вый; ра́дуйся, братолю́бием христиа́нским до́льний мир удив́ивый.

Ра́дуйся, святы́й пра́ведный Фео́доре, сла́вный в добродетѣ́лех во́ине Христо́в.



Кондак 7

Хотѣй Человеколюбецъ Господь за-
щѣтити страну нашу отъ нашествія агъ-
рянскаго, вдохновѣ ты, славне Феодоре,
на великія подвиги, коими турецкій
флотъ низложенъ бысть и людемъ право-
славнымъ мирное житѣльство даровано
бысть. Дажь убо и намъ благое утешѣ-
ніе въ мирномъ житіи отъ Господа пріяти,
Емуже ангельскую песнь приносимъ: Ал-
лилуѣа.

Икос 7

Новыя таланты приобрѣлъ еси, свя-
тѣй воине Феодоре, егда несомнѣннымъ
упованіемъ на помощь Божію вся вра-
ги побѣждалъ еси. Тѣмже и насъ, молитва-
ми твоими враги невидимыя побѣжда-
ющихъ, въ Горнія обители приведи, вос-
хваляющихъ тя:

Радуйся, высотѣю подвиговъ твоихъ Анг-
елы удививый; радуйся, крѣпостию про-
изволенія твоего демоны посрамивый.



Ра́дуйся, му́жество ве́лие во всех тво́ри-
мых бра́нех показáвый; ра́дуйся, ве-
не́ц побéды досто́йно восприéмый.

Ра́дуйся, во умéнии флотовóдчеством
изря́дно преуспе́вый; ра́дуйся, во сла́ву
Бо́жию и на блага́ наро́да сие́ употребí-
вый.

Ра́дуйся, христиáнского ро́да ве́лие и
сла́вное возвыше́ние; ра́дуйся, го́рняго
ми́ра пресве́тлое ра́дование и украше́ние.

Ра́дуйся, за враги́ тво́я с любóвию мо-
ли́выйся; ра́дуйся, проща́ти всех у Хри-
ста́ научи́выйся.

Ра́дуйся, о́браз ве́рнаго служéния Го́с-
подеви показáвый; ра́дуйся, дивное от-
верже́ние себé, спасéния ра́ди бли́жних,
прояви́вый.

Ра́дуйся, святы́й пра́ведный Фео́доре,
сла́вный в добродетéлех во́ине Христóв.

Кондак 8

Стра́нное и пресла́вное чу́до соверши́-
ся, егда́ ты, досто́блаже́нне Фео́доре, ве-



лию святѣию — мѡщи угѡдника Бѡжия
Спиридѡна Тримифѹнтскаго, на ѡстрове
Керкіре пребывающія, от лю́тых супо-
стѣт свободѣл есѣ и в день Святѣя Пѣс-
хи со слѣвою мно́гою на ра́мена твоѣх
пренесѣние их свершѣл есѣ. Тѣмже мо-
лѣся за ны, да избѣвлени бѹдем от враг
вѣдимых и невѣдимых и да возгорѣтся
в сердца́х на́ших огонь любвѣ ко Владѣ-
це Христѹ, во ѣже пѣти Емѹ: Аллилуѣа.

Икос 8

Всего себѣ воли Бѡжией преда́в, слу-
же́ние рѣтное сверша́л есѣ, пра́ведне Феѡ-
доре. Мы же, зряще сѣе, со уми́лением
поѣм ти:

Ра́дуйся, Христѣ́ Бѡга́ я́ко Хлѣ́ба Жѣз-
ни взалка́вый; ра́дуйся, Тем дѹшу твою́
неизмѣ́нно пита́вый.

Ра́дуйся, Пречи́стыя Кро́ве Егѡ́ я́ко ѣс-
тиннаго питѣя́ приобща́выйся; ра́дуйся,
ко пресла́вным пра́ведником приложи́-
выйся.



Ра́дуйся, за усѣрдие твоѣ мзду от Вѣш-
няго восприѣмый; ра́дуйся, И́мя Его́ на
землі житиѣм своимъ просла́вивый.

Ра́дуйся, Царя́ царей Христа́ Го́спода
служітелю; ра́дуйся, чи́стых се́рдцем
смирѣнный и му́дрый учи́телю.

Ра́дуйся, талáнт во́инский, я́ко вѣлий
дар Бо́жий, приѣмый; ра́дуйся, повино-
ва́тися во́ли Господней всех навча́ый.

Ра́дуйся, Оте́честву на́шему неustra-
ші́мый за́щитниче; ра́дуйся, Правосла́-
вия ре́вностный проповѣ́дниче.

Ра́дуйся, святы́й пра́ведный Фео́доре,
сла́вный в добродетѣ́лех во́ине Христовъ.

Кондак 9

Вси лю́дие ё́ллинстии, свобо́ду от зло-
ко́зненных враг тобо́ю получи́вшии, до-
стосла́вне Фео́доре, благодарни тебѣ за
си́е бы́ша, отце́м своимъ тя велича́юще.
Ты же, за вся сія́ Бо́га благодарил еси́,
я́ко дарова́ ти си́лу и му́жество, да послу́-
жиши не то́кмо своему́, но и инѣмъ язы́-



ком православным, да вси поют едиными усты и единым сердцем: Аллилуиа.

Икос 9

Ветийство человеческое не довлѣет, святе Феодоре, к восхвалѣнію всех предѣльных трудов и побѣд твоих, наипаче же мужества, с кѣим претерпевал еси вся скорби и лишѣнія, клевету и зависть, от враг твоих исходящая. Тѣмже, величающе вся подвиги, терпѣние и труды твои, прославляем тя сѣце:

Радуйся, душу твою крѣтко Господеви вручивый; радуйся, искренних своих христіанскому терпѣнію научивый.

Радуйся, радости духовныя боголюбивым душам подателю; радуйся, новый наш пред Богом молитвенниче и предстателю.

Радуйся, яко твоими молитвами Господь оставляет нам прегрѣшѣнія; радуйся, помогаяй нам претерпевати скорби и поношѣнія.



Рáдуйся, не своея сла́вы, но Бóжия не-
преста́нно иска́вый; рáдуйся, венéц пра́-
ведни́чь от Царя́ Небéснаго восприéмый.

Рáдуйся, миротвóрцев и правдолю́б-
цев любвеобы́льный наста́вниче; рáдуй-
ся, Бóжия пра́вды предивный проповéд-
ниче.

Рáдуйся, животá своего́ за б́лижния
сво́я нико́лиже щади́вый; рáдуйся, ду́шу
свою́ за дру́ги сво́я положи́вый.

Рáдуйся, святы́й пра́ведный Феóдоре,
сла́вный в добродетéлех во́ине Христóв.

Кондак 10

Спасти́ся хотя́щим примéр благый
житиé твоé бысть, пра́ведне Феóдоре,
ймже вся ны науча́еши иска́ти еди́на-
го на потре́бу, е́же есть богоугождéние.
Помози́ у́бо и нам в сем тебé подража́ти,
вдохни́ в нас му́жество душе́вное, укра-
си́ нас добродетéлями небéсными, да с
тобóю возмо́жем сонаслéдники Цáр-
ствия Небéснаго б́йти и воспева́ти Со-
здáтелю нáшему: Аллилу́иа.



Икос 10

Стенá ограждѣния в Цѣркви Правосла́вней яви́лся еси́, сла́вне Феодоре, защища́еши бо лю́ди вѣрныя от враг ви́димых и неvíдимых; не сокрѣ́йт же бысть и свѣти́льник добродѣ́телей твои́х, да свѣ́том, от негó исходя́щим, прославля́еши Отца́ Небѣснаго. Мы же, чту́щи пáмять твою́, со умилѣ́нием взира́юще на о́браз твой святы́й, с ра́достию зовѣ́м:

Ра́дуйся, лжи и кова́рства нелицеме́рный обли́чителю; ра́дуйся, вѣры правосла́вныя неуста́нный насади́телю.

Ра́дуйся, жити́ем твои́м А́нгелы возвесели́вый; ра́дуйся, пра́ведностию тво́ею дѹхи тьмы посрамив́ый.

Ра́дуйся, бѣдству́ющим до́брый предста́телю; ра́дуйся, за оби́димых и унижа́емых прѣ́сный ходáтаю.

Ра́дуйся, крѣ́тость Христо́ву в се́рдце твоѐе восприѣ́мый; ра́дуйся, смире́нию Его́ притека́ющия к тебѣ́ навча́вый.



Ра́дуйся, заблѹждших наставниче и скорбящих утѣшителю; ра́дуйся, просящим по́мощи твоея́ ско́рый подáтелю.

Ра́дуйся, я́ко и по преста́влении тво́ем ми́лости твори́ти не преста́еши; ра́дуйся, я́ко моля́щимся у грóба твоегó ско́рую по́мощь пода́еши.

Ра́дуйся, святы́й пра́ведный Фео́доре, сла́вный в добродетéлех во́ине Христо́в.

Кондак 11

Пѣние всеуми́ленное Триеди́ному Бо́гу принёсл еси́, блаже́нне Фео́доре, в Сана́ксáрской обители, иде́же от рáтных по́двигов почи́вая, в моли́тве пла́менной ду́шею сво́ею ко Го́споду всецѣло устреми́лся еси́. Тѣмже сподóби тя Господь причаст́итися Святы́х Свои́х Таин пред сла́вною кончи́ною тво́ею. Ны́не же, предсто́я у Престо́ла Царя́ Сла́вы, моли́ся, да и мы ду́ши сво́я Нетлѣ́нному Жениху́ Христу́ чы́стыя принесѣ́м со Ангельским пѣ́нием: Аллилу́иа.



Икос 11

Светозáрное свети́ло, на не́бе церко́в-
нем возсия́вшее, зрим тя, пра́ведне вои-
не Феодо́ре, занé и ны́не свéтиши нам
зна́мении и чудесы́, от святы́х мощей
твои́х истека́ющими. Тёмже, благодар-
ственная Бо́гу принося́ще о тебé пéния,
взыва́ем ти си́це:

Ра́дуйся, во Иису́се Сладча́йшем еди-
ное утешéние обрета́яй; ра́дуйся, к бед-
ствующим на по́мощь стопы́ твоя́ уско-
ря́яй.

Ра́дуйся, окаменéннаго нечу́вствия сер-
дéц на́ших целите́лю; ра́дуйся, во отча́-
нии сущим благия́ наде́жды подáтелю.

Ра́дуйся, я́ко тобою́ вёрнии исти-
ною Христо́вою просвещáются; ра́дуйся,
я́ко тобою́ пока́явшиися от посты́дныя
смéрти избавля́ются.

Ра́дуйся, чудéсная исцéления от свя-
ты́х мощей твои́х обильно источáяй; ра́-
дуйся, нико́лиже во отча́яние впáдати
нас научáяй.



Рáдуйся, прáведною конч́иною тво́ею
прáведность жити́я твоегó запечатлѣ-
вый; рáдуйся, в райских об́ителях Твор-
ца́ и Спас́ителя с рáдостію узрѣвый.

Рáдуйся, ꙗ́ко тоб́ою и донѣ́не вѣрнии
от враг избавля́ются; рáдуйся, ꙗ́ко то-
б́ою об́итель Санакса́рская торжествует
и прославля́ется.

Рáдуйся, святы́й прáведный Фе́одоре,
сла́вный в добродетѣ́лех во́ине Христо́в.

Кондак 12

Благода́ти и мѣ́лости испроси́ нам
у Христа́, Созда́теля и Влады́ки на́шего,
пресла́вне Фе́одоре, мно́го бо мо́жет мо-
ли́тва прáведника пред ли́цем Его́. Мы
же душа́ми на́шими умиля́емся, ꙗ́ко яви́
нам Госпо́дь во утешѣ́ние святы́я мо́щи
твой, вопи́ющим Ему́: Аллилу́иа.

Икос 12

Пою́ще неисче́тныя по́двиги предив-
наго жити́я твоегó, вели́кий во́ине и



флотоводче Феодоре, хвалим и ублажаем
тебя яко небеснаго покровителя нашего.
Ты же данною ти свыше благодатию
подаждь нам полезная ко спасению душ
наших, да присно тебя величаем:

Радуйся, святче Божий, свято и праведно
жизнь земную свершивый; радуйся, во благоухании
святых сном блаженным опочивый.

Радуйся, великий флотоводче, Богом
на укрепление нам дарованный; радуйся,
венцем безсмертных жизни от Господа
увенчанный.

Радуйся, пресветлое лице Создателя
всегда созерцаая; радуйся, Пресвятей
Троице песнь немолчно возглашая.

Радуйся, Господа ходатайством твоим
умиловляя; радуйся, Церковь Русскую
покровительством твоим защищая.

Радуйся, яко имя твое со святыми
прославляется; радуйся, яко молитвами
твоими грады и веси наши утверждаются.



Рáдуйся, Престо́лу Царя́ Небе́снаго во
сла́ве предстоя́й; ра́дуйся, о всех ве́рных
лю́дех Го́споду моли́твы возно́сѣй.

Рáдуйся, святы́й пра́ведный Феодо́ре,
сла́вный в добродете́лех во́ине Христо́в.

Кондак 13

О пресла́вный во́ине и му́жествен-
ный флотово́дче Феодо́ре, приими́ от
нас сие́ ма́лое похва́льное пе́ние, е́же
пред ико́ною твоёю [или́: святы́ми мощь-
ми тво́ими] ны́не воспева́ем, и моли́тва-
ми тво́ими испроси́ нам у Христа́ Бо́га
изба́виться от бед, скорбе́й и напа́стей,
наипа́че же от внеза́пныя сме́рти и ве́ч-
ныя му́ки, бу́ди нам путево́ждь во бла-
же́нныя оби́тели Небе́сныя, да та́мо
с тобо́ю воспоём Бо́гу: Аллилу́иа.

Этот кондак читается трижды.

Икос 1

А́нгели и боголю́бви́и лю́дие днесь
Христу́ Бо́гу благодарéние и славосло́-



вие приносят, яви бо ты, праведне вои-
не Феодоре, славнаго покровителя и за-
щитителя Отечеству нашему. Мы же,
видяще ты предстояща Престолу Божию
и милости нам у Господа просяща, со
умилением сердечным воспеваем:

Радуйся, рода благочестиваго рождé-
ние; радуйся, земли Ярославския много-
плодное прозябение.

Радуйся, Ангела Хранителя твоего не-
престанно возвеселявый; радуйся, ро-
дители и наставники твоя кротостию
и усердием удивлявый.

Радуйся, молитвами святаго сродни-
ка твоего в духовней брани побеждатьи
научивыйся; радуйся, в законе Господ-
ни непрестанно поучавыйся.

Радуйся, дух мирен в души твоей стя-
жавый; радуйся, силою Креста Господня
вся враги побеждавый.

Радуйся, любовь Христову в сердце
твоём носивый; радуйся, сладкою тою
любовию душу твою усладивый.



Ра́дуйся, тезоимѣнному тебѣ Страти-
ла́ту в иску́сстве воево́дством уподо́би-
выйся; ра́дуйся, тезоимѣнному тебѣ Ти-
рону в ревновáнии о Бо́же подража́вый.

Ра́дуйся, святы́й пра́ведный Феодо́ре,
сла́вный в добродете́лех во́ине Христо́в.

Кондак 1

Избра́нному подви́жнику земли́ на-
шея, де́лы до́блестными во сла́ву Бо́-
жию досто́йне потруди́вшемуся, свято́-
му пра́ведному во́ину Феодо́ру похва́ль-
ное прино́сим пѣние. Ты же, уго́днике
Бо́жий, я́ко имѣяй ве́лие дерзнове́ние
ко Го́споду, от вся́ких нас бед свободи́,
зову́щих:

Ра́дуйся, святы́й пра́ведный Феодо́ре,
сла́вный в добродете́лех во́ине Христо́в.

Молитва

О, пресла́вный и достохва́льный во́и-
не, флотово́дче Феодо́ре, небѣсный наш
заступниче и кре́пкий защи́тнике! Днесь,



па́мьять твою́ почита́юще, смире́нно мо́лим тя: вознеси́ о нас ко Го́споду Бо́гу те́плья тво́я моли́твы и испроси́ у Него́ оставле́ние все́х согреше́ний на́ших, ими́же преогорчева́ем Его́. Умоли́ Го́спода дарова́ти нам ко Оте́честву на́шему любо́вь нелицеме́рную, мир и благоде́нствие Це́ркви на́шей Правосла́вней, всем же нам теле́сное здра́вие и душе́вное спасе́ние, христиа́нскую кончи́ну живо́та на́шего и до́брый отве́т на Стра́шнем Суде́ Его́. Ей, свя́тче Бо́жий, не посра́ми упова́ния на́шего, е́же на тя по Бо́зе и Богоро́дице возлага́ем, да, тво́ими моли́твами получи́вше благода́ть и ми́лость от Го́спода, просла́вим человеколю́бие Отца́ и Сы́на и Свята́го Ду́ха, и твоё свято́е засту́плёние, ны́не и при́сно, и во ве́ки веко́в. Ами́нь.

Тропарь, глас 1

Державе Россі́йстей архистрати́г непобеди́мый яви́лся еси́, ага́рянскую зло́бу нивочто́же вмени́в и разори́в: ни сла́-



вы мирскія, ни́же богáтства взыску́я,
но Бо́гу и б́лижнему послуж́ил есѣ, мо-
лѣ, свѣте Фе́odore, во́инству на́шему да-
ро́вати на врагѣ́ одолѣ́ние, о́течеству
во благоче́стии непоколебѣ́му пребы́ти,
и сыновѣ́м Россі́йским спасти́ся.

Кондак, глас 2

Архистрати́же Россі́йский, служи́те-
лю наро́да Бо́жiego, ни́щих и угнетѣ́н-
ных свободѣ́телю, нечестѣ́вых нака́за-
телю, полѣ́зное нам просѣ́ и ве́лию мѣ-
лость, ꙗ́ко спобо́рник наш пра́ведне бо-
ля́рине Фе́odore.



Святой праведный воин Феодор Ушаков (1743–1817) учился в морском кадетском корпусе. Во время первой турецкой войны командовал судами в Азовском море и участвовал в защите берегов Крыма. В 1787 г. с 2 фрегатами крейсеровал в Черном море по случаю начавшейся войны с Турцией; в следующем году принял начальство над авангардом в эскадре контр-адмирала Войновича и участвовал в сражении с турецким флотом при Фидониси. В 1790 г. Потемкин вверил ему начальство над черноморским флотом, с этих пор началась военная слава Ушакова. На корабле «Святой Александр» он направился к берегам Анатолии, бомбардировал Синоп, истребил более 26 неприятельских судов; затем отразил от Керченского пролива турецкий флот, у Гаджибея разбил его. В 1791 г. одержал победу при Калакрии. В 1798 г. получил повеление идти в Константинополь и, по соединении с турецкой эскадрой, отправиться в Архипелаг и Средиземное море. Здесь занял острова Чериго, Занте, Кефалонию, Сан-Мавро и взятием крепости Корфу освободил Ионические острова из-под власти



французов. В 1800 г. Ушаков, произведенный в адмиралы, возвратился в Россию. В 1802 г. он был назначен главным командиром балтийского учебного флота и начальником флотских команд в Петербурге.

Адмирал Ушаков провел 40 кампаний, в которых не потерпел ни одного поражения и не потерял ни одного корабля, построил много новых, став реформатором русского флота и укрепив его позиции на Средиземноморье, утвердив славу России как великой морской державы.

4–5 августа 2001 г. в Санаксарском Рождества Богородицы монастыре состоялись торжества, посвященные канонизации св. праведного воина Феодора (Ушакова), адмирала Российского флота.

Священный Синод на заседании 17 июня 2021 года (журнал № 34) одобрил для употребления за богослужением и в домашней молитве текст акафиста праведному воину Феодору Ушакову.

<http://www.patriarchia.ru/db/text/5821555.html>

**АКАФИСТ СВЯТОМУ ПРАВЕДНОМУ ВОИНУ
ФЕОДОРУ УШАКОВУ**

Редактор: Плюснин А. И.

Корректор: Плюснин А. И.

Подписано в печать 10.11.2022
Формат 70х90/32. Бумага офсетная.
Печать офсетная. Гарнитура Swift.
П. л. 1,5. Тираж 10000 экз. Заказ

Издательство «Благовест».

Адрес: 123182, г. Москва,
ул. Авиационная, дом 13

Отпечатано ОАО ПИК «Идел-Пресс»
420066, г. Казань, ул. Декабристов, дом 2
e-mail: idelpress@mail.ru
www.idel-press.ru

Икона праведному Феодору Ушакову, воину на лицевой
стороне обложки написана в иконописной мастерской
Екатерины Ильинской©. www.icon-art.ru
тел.: 8 (495) 642-55-16, 8 (926) 534-19-80

**ПОСЕТИТЕ ИНТЕРНЕТ-МАГАЗИН
издательства «БЛАГОВЕСТ»**

WWW.BLAGOVEST-MOSKVA.RU

**много православных книг и икон, акции и скидки
для ОПТОВЫХ И РОЗНИЧНЫХ покупателей**

Телефоны: (495) 942-53-72, 973-19-11,

8-800-333-11-78

звонок из любого региона России – БЕСПЛАТНО!

ISBN 978-5-9968-0767-3





МОСКВА